

## Skuld gammel venskab rejn forgo

Tekst: Jeppe Aakjær, 1927

Melodi: Skotsk folkemelodi

1.

Skuld gammel venskab rejn forgo  
og stryges fræ wor mind?  
Skuld gammel venskab rejn forgo  
med dem daw så læng, læng sind?  
Di skjønnne ungdomsdaw, å ja,  
de daw så svær å find!  
Vi'el løwt wor kop så glådle op  
for dem daw så læng, læng sind!

2.

Og gi så kuns de glajs en top  
og vend en med di kaw'.  
Vi'el ta ino en jenle kop  
for dem swunden gammel daw.  
Di skjønnne ungdomsdaw, å ja,  
de daw så svær å find!  
Vi'el løwt wor kop så glådle op  
for dem daw så læng, læng sind!

3.

Vi tow - hwor hår vi rend om kap  
i'æ grønn så manne gång!  
Men al den trawen verden rundt  
hår nu gjord æ bjenn lidt tång.  
Di skjønnne ungdomsdaw, å ja,  
de daw så svær å find!  
Vi'el løwt wor kop så glådle op  
for dem daw så læng, læng sind!

4.

Vi wojed sammel i æ bæk  
fræ gry til høns war ind.  
Så kam den haw og skil wos ad.  
Å, hwor er æ læng, læng sind!  
Di skjønnne ungdomsdaw, å ja,  
de daw så svær å find!  
Vi'el løwt wor kop så glådle op  
for dem daw så læng, læng sind!

5.

Der er mi hånd, do gamle swend!  
Ræk øwer og gi mæ dind.  
Hwor er æ skjøn å find en ven,  
en hån mist for læng, læng sind!  
Di skjønnne ungdomsdaw, å ja,  
de daw så svær å find!  
Vi'el løwt wor kop så glådle op  
for dem daw så læng, læng sind!

Jeppe Aakjær, 1866-1930

